



A PEHEPEHE MAI NA



‘Ua tupu te tāta’ura’a « pehepehe » a te mau tamari’i tamāhou nō te fare ha’api’ira’a GS TEINA/MAHU i tēie mahana toru 28 nō Tēnuare i te ‘oire nō Mahu.

E ‘ahuru ma pae tamari’i nō te mau piha SG i pehepehe mai te mau pāpa’ira’a a TURO A RAAPOTO. ‘Ua fa’aineine ato’a mai ra te mau tamari’i no te mau piha STP, SP e SM te mau ‘ori, te mau hīmene, te mau pāta’uta’u... nō te fa’aitera’a e , te fa’a’ohipa ato’a nei ratou te ha’api’ira’a o te reo.

Nā te hō’ē tōmite i peretitenihia e Jacques TURINA, ‘āpe’ehia mai e Tihina VIRIAMU, Titaha TEMAROHIRANI e ‘o TAHUHUTERANI Louisa. Nā rātou i hi’opo’a i te ‘ōrerora’a a tēie mau tamari’i. ‘Ua hi’ohia i te tāmaura’a i te parau, te pāpū e te he’era’a o te parau, te ti’ara’a i mua i te ta’ata e te ‘ahu i fa’auhia au i te tumu parau o te pehepehe. E ua itehia te ‘ana’anatae e te ‘oa’oa o tēie mau tamarii i te ‘ōrerora’a mai i mua i te huirā’tira no Tubuai, ‘oia mau, ‘ua amui ato’a mai te mau metua nō Mataura i roto i tēie fa’anahora’a. I taua mahana ra, ua hina’aro te tahi mau tamarii e fa’ao mai i roto i te tātura’a nā roto i te fa’aro’ora’a atu tēie mau tamari’i i tāta’u atu, ‘are’a ra ua ‘ōpani te tāpura i’oa.

‘Ua fa’ahiahia te mau metua i te fa’aro’ora’a atu e toru tamarii papa’ā i tei pehepehera’a mai, e fa’a’itera’a ia tēie ‘aita te ha’api’ira’a i te reo e ma’iti i te huru ‘o te tamari’i.

Nō reira, ‘ua riro tēie mau fa’anāhora’a e fa’a’itera’a e i te faufa’a o te ha’api’ira’a i te reo i tā tātou mau tamari’i i te fare ha’api’ira’a e i te ‘utuāfare ato’a ra.

‘Ua ha’amaururuhia te mau tamarii tāta’u e ua tāpe’ahia mai e va’u tamarii mātamua nō te hāere atu i Mataura e ‘ōrero mai i tā rātou pehepehe i roto i te ‘aru’i o te tātura’a ‘ōrero i tēie mahana maha i mūri nei.

Maururu i te mau ‘orometua ha’api’i, te mau metua tamari’i e te mau pīahi ato’a nō te mānuia



maita’i ra’a i tēie mahana nō te tāta’ura’a pehepehe.



Manuella PATII



E te tama e, 'a pehepehe mai nā i tō parau.....

I tēie mahana maha maha nō Fepūare mai te hōra īva i te po'ipo'i e tae atu i te 'ahuru e te 'afa, 'ua pehepehe mai e 'ahuru ma ono tamari'i nō na pīha ha'api'ira'a e maha nō te tūha'a piti (cycle 2), nō te tāta'u atu i mūa i te mau metua e i te tōmite hi'opo'a.

'Ua tupu tāua 'oro'a i Matura, i roto i te fare tū'aro nō te hau Nātieva. 'O IOANE Henri, 'o TEAUNA Antinéa, 'o Bonnet Raymonde (e mau 'ōrometua ha'api'i i fa'atuha'ahia) e 'o TUPEA Jonathan te mau ti'a hi'opo'a i tāua mahana ra. Nā te 'orōmetua ha'api'i nō te reo o PATII Manuella i rāuti mai i taua tāta'ura'a e tauturuhia mai e te mau 'orōmetua ha'api'i.

'Ua itehia te tahi nu'u ra'a nō te parau i te reo, oia mau ua fa'a'ohipa te mau tamari'i i te huru o te ti'a pehepehe, te navenave e te au o te parau mai te huru te ha'uti ta'ata ora nei te mau tamari'i i ta rātou mau pehepehe. Aita i itehia te taiāra'a o teie mau tamari'i, te ha'apapu nei te reira e tei nī'a rātou i te e'a nō te parau ia nō te 'ōrero.

Tō rātou 'ūna'ūna..... Te he'era'a i te parau e te 'āpara'a mai i ta rātou pehepehe i fa'atūrōri i te mana'o te mau tōmite.

'Ua tāpe'ahia mai e tōru tamari'i nō te 'ōrero atu i tā rātou mau pehepehe i te 'aru'i tāta'ura'a 'ōrero.

'Ua māuruuru te ta'ato'ara'a i te mau ō tā rātou i fa'ari'i atu.



'Ua 'āmui te mau 'ōrometua ha'api'i i rōto i tēie 'ōro'a 'oa'oa.

Manuella PATII

